



Ène imaudje ki v's avîz manké d' vîre l' ôtrayîr. Asteûre, c' èst do dischandi...

On lès va vîre totes. Dins nosse Hènâ, li Vlomse Blokia prèsinde ène lisse aus votaedjes di may ki vént po fé *front* au ReWefe-ReBeFe da "Pol-Inri Djandebén ki vouréve nos ralachî à l' France passki l' Urope a dandjî d' fwârts Zètats, di-st-i. Èsse k' èl Walonîye ont sèréve pus bièsses ki lès novias Uropèyins à vnu ki vikenut, p.e., è l' Èstonîye èt ki sont co mwinsse è nombre ki nos ? Esse k'i gn'a amon nos bons vijins on patrimwène ki l' istwère nos a robé èt ki nos mankeréve todi ? Esse k'on î sèréve mia à nos aujes ki lès Corses, lès Burtons, lès Baskes èt vos nn'aroz ? Èsse k'on î ricauzèréve èt situdieréve è scoles pus radimint nos linwaedjes ? Quand on pinse ki, d' après dès sondaedjes, on èst 73,3 au cint à s' sinte Bèljes po à pwinne 10,7 à s' volu Walons. Minme k'i gn'aréve ki 11,3 à s' sinte pus Walon ki Bèlje èt ki **2,3 au cint** à volu one walone nacion ! Alèz, c'n'èst nén co l' mwè ki vént k'on va trover l' moyin d' moyèner...

**

Èt l' Irâk lès cautes tchèyenuit iène à iène mins l' paurtîye di couyon n' èst nén co oute pou ça. Èt on n' èst nén co prèsse à tot comprinde. Faut dîre ki lès gazetîs n' nos ont wère doné èt mostrer l' drwèt do djeu... Bon, i nnd'a yeu sakants di tuwés po "rinde conte" mins, kand li 9 d' avri, on

poléve lire k' i nd'avéve à s' plinde do "Palèstine Otèl" ki lès lodjéve, l' arincrin î èstéve è pane, l' amougnî n' èstéve nén dès mèyeus, i n'î avéve pus pont d' botikes di sovnîrs, l' cwèfeu avéve pèté èvoye, i gn'avéve pus moyin di s' fé massî, lès pris î raussîne... Bineureu ki lès monte-kèdje toûnîne co bèn èt k'is î èstîne, tot conté tot rabatu, à iute dès stratèdjikès cîbes. Bon, l' astchèyance a volu k'on tchaûr leu satche ène cope di còps èt fé dès tuwès mins tot èstéve au mia arindjî po k'totès lès novèles èvoyîyes di vèla fuchnuce do prêchi-prêcha sins vèrité. Po k'tot l' monde nos mostère lès minmès imaudjes èt nos rapwarter lès minmes carabistouyes, èsseki ça valéve lès pwinnes d'lès î mète, èt lès î tinu, à ostant dsus place ?

On ranche co après lès tchimikes, biolodjikes èt mèrsikèteusès âmes dau Sâdâm. On pout sins peû bîter ki ça va dimèrer durer. Amon nos ôtes tos lès mwès on è trove co dès kulos ki

rimontenut à 14-18, adon, ènndon è plin mitan d'leû plinnes di sauviron !

Dins lès mwêjès cayèterîyes ki nos pindenut todi au dzeu dèl tièsse, i gn'a l' batimint d' Tchèrnâbil ki riskêye d' bèn rade passer oute èt lèyî s'avoler è l' air ène novèle radioactîvêye nûlêye ki n' va non pus s' djoker d' avancî à nos frontîres. Si l' twèt î a dès crèvaudes, kwè disse do plantchî dèl cauve ? Kand ça va s' sitramer pa lès crayes... Nos, po l' momint on n'a nén à s'è fé po lès 433 bidons ki trinnenut à Dèssèl. I gonfèlenuit, s' èrunichenuit bèlemint èt s' mète pyane myane à s'taper au laudje. On n'a nén co l' idêye d' èvou on poréve bèn lès muchî. On ranne, savèz, mins, a dît Olivî Dèleuze, i nos va falu po l' mwinsse trwès ans po trover ène rèsponse à l' kèsse : "èvou lès mète ?" Avoz on grand corti ?

**

Vêci pa-dzo, one ôte imaudje k'on vos avéve aprusté :

